



## I. PRINCIPADO DE ASTURIAS

### • OTRAS DISPOSICIONES

#### CONSEYERÍA D'EDUCACIÓN, CULTURA Y DEPORTE

*RESOLUCIÓN de 28 de xineru de 2013, de la Conseyería d'Educación, Cultura y Deporte, pola que s'establecen les normes de participación na Axenda Didáctica Escolar.*

Tramítáu'l correspondiente espediente pol que s'establecen les normes de participación na Axenda Didáctica Escolar, resulten los siguientes

#### Fechos

La difusión, fomentu y normalización social del asturianu y, nel so ámbitu, del gallego-asturianu, nes sos diverses manifestaciones, según lo dispuesto nel Estatutu d'Autonomía del Principáu d'Asturies y la Llei 1/98, de 23 de marzu, d'usu y promoción del bable/asturianu, impliquen el desarrollu d'iniciatives que fomenten el so usu nel ámbitu escolar. Nesti sen, l'artículu 9 de la mentada llei refierse espresamente a la Enseñanza del bable/asturianu y la promoción del so usu dientro del sistema educativu, polo que la Conseyería d'Educación, Cultura y Deporte dispón una serie d'acciones que contribuyen al usu del asturianu o'l gallego-asturianu nos ámbitos escolares al traviés de les actividaes programaes nos centros de la rede educativa del Principáu d'Asturies. El desarrollu d'estes actividaes nes asignatures denominaes "Llingua Asturiana" y "Gallego-Asturianu", adaptaes a los criterios pedagóxicos de cada nivel d'enseñanza, permite complementar los conteníos curriculares que se desenvuelven nel aula ordinaria.

Ye por ello que la Conseyería d'Educación, Cultura y Deporte del Principáu d'Asturies plantea la convocatoria de la Axenda Didáctica Escolar, dirixida a que l'alumnáu de la comunidá autónoma pueda reforzar y ampliar el so aprendizaxe del asturianu o del gallego-asturianu con actividaes complementaries que fomenten l'usu de la llingua en distintos contestos.

A los fechos son-y d'aplicación los siguientes

#### Fundamentos de derechu

Son d'aplicación a la presente resolución, los artículos 32 a 34 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; el art. 8 del Decretu Llexislativu 2/1998, de 25 de xunu, pol que s'aprueba'l Testu Refundíu del Réxime Económicu y Presupuestariu; el Decretu 4/2012, de 26 de mayu, de reestructuración de les Conseyerías qu'integren l'Alministración de la Comunidá Autónoma del Principáu d'Asturies; el Decretu 74/2012, de 14 de xunu, d'Estructura Orgánica Básica de la Conseyería d'Educación, Cultura y Deporte; l'artículu 38.i) de la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu. Por too ello,

#### RESUELVO

*Primero.*—Aprobar les normes de participación na Axenda Didáctica Escolar, que se recueyen nun anexu a la presente resolución.

*Segundu.*—Establecer un plazu de 15 díes naturales, a cuntar dende'l día siguiente a la publicación d'esta resolución nel *Boletín Oficial del Principáu d'Asturies*, pa la presentación de les solicitúes del cursu académicu 2012-2013, por parte de les empreses privaes o asociaciones y otros entidaes ensin ánimu d'arriquecimientu, que, cumpliendo les normes de participación que s'aprueben, quieran participar na Axenda Didáctica Escolar. Nos años vinientes el plazu de presentación de solicitúes va rexise polo estableció na norma de participación octava de la regulación axunta.

Los proyectos de les empreses participantes que resulten escoyíos pola Comisión van facese públicos al traviés de la páxina web institucional [www.educastur.es](http://www.educastur.es). Dende'l día siguiente a la mentada publicación, los centros educativos van disponer de 10 díes hábiles para realizar las solicitúes de los proyectos que s'alcuentren e encuentren dientro del llistáu públicáu.

*Terceru.*—Disponer la entrada en vigor d'estes normes, dende'l del día siguiente al de la so publicación nel *Boletín Oficial del Principáu d'Asturies*.

*Cuartu.*—Ordenar la publicación d'esta resolución nel *Boletín Oficial del Principáu d'Asturies*.

Uviéu, a 28 de xineru de 2013.—La Conseyera d'Educación, Cultura y Deporte, Ana González Rodríguez.—Cód. 2013-02441.



## Anexu

### NORMES DE PARTICIPACIÓN DE LOS CENTROS EDUCATIVOS Y DE LES ENTIDAES CULTURALES EDUCATIVES NA AXENDA DIDÁCTICA ESCOLAR

#### Primera.—*Oxeto*

La presente resolución tien por oxetu establecer les normes de participación de los centros educativos y de les entidaes participantes na Axenda Didáctica Escolar, consistente nuna propuesta d'actividaes, nel marcu xeneral de la promoción, difusión y normalización del asturianu o gallego-asturianu dientro del ámbitu educativu.

#### Segunda.—*Ámbitu d'aplicación*

Podrán participar en la Axenda Didáctica Escolar:

- a) Toos aquellos centros educativos d'Asturies qu'impartan asturianu o gallego-asturianu n'Educación Infantil, Primaria, Secundaria y/o Bachilleratu.
- b) Les empreses privaes o asociaciones y otres entidaes ensin ánimu d'arriquecimientu, d'ámbitu asturianu, que desarrollen actividaes artístiques, culturales, lliteraries o musicales nestes llingües.

En dambos casos, siempres que lo soliciten y qu'axunten los requisitos establecíos na presente resolución.

#### Tercera.—*Órganu Instructor*

A los efectos d'esti procedimientu l'órganu instructor va ser el Serviciu de Política Llingüística, de la Dirección Xeneral de Política Llingüística. Les resoluciones qu'hayan d'adoptase van ser dictaes pola Consejera d'Educación, Cultura y Deporte.

#### Cuarta.—*Requisitos de les entidaes participantes*

Van poder participar na Axenda Didáctica Escolar toes aquellos empreses privaes o asociaciones y otres entidaes ensin ánimu d'arriquecimientu, d'ámbitu asturianu, que desarrollen actividaes artístiques, culturales, lliteraries o musicales n'asturianu o gallego-asturianu, adaptaes al ámbitu escolar, que lo soliciten nel modelu de solicitú que figura nel Anexu II a les presentes normes y que cumplan los siguientes requisitos:

- Tar constituyíes como empresa privada o ser empresariu individual, tar dau d'alta nel correspondiente epígrafe del I.A.E. y na Seguridá Social nel so casu.
- Nel casu d'asociaciones o entidaes ensin ánimu d'arriquecimientu, tar llegalmente constituyíes ya inscrites nel rexistru llegal correspondiente.
- Tener domiciliu social nel ámbitu territorial del Principáu d'Asturies.

Les entidaes interesaes van poder presentar un máximu de cinco proyectos cada añu.

Cada proyectu, que se ha presentar en papel y soporte dixital, tendrá d'incluyir:

1. Oxetivos didácticos que se quieren conseguir cola actividá.
2. Etapa educativa a la que va encaminada l'actividá.
3. Material didácticu pa trabayar nos centros (pa que'l profesor/a pueda introducir l'actividá al alumnáu).
4. Curtiu resume de l'actividá, que va ser unviáu a los centros pa que cuenten con una información básica de la mesma y de les necesidaes técniques qu'implica'l so desarrollu: espacios, midíes, necesidaes eléctriques, equipos, númberu d'alumnáu, etc.
5. Costu de l'actividá, indicando'l porcentaxe d'IVA o si ta exenta y si tien gastos repercutíos de derechos d'autor.

Ye requisitu indispensable que caún de los proyectos presentaos incluya una curtia ficha esplicativa pa que'l profesor/a responsable del Centru pueda desarrollar una sesión d'aula introductoria y sirva al alumnáu pa contestualizar l'actividá final.

#### Quinta.—*Requisitos de los centros educativos*

Los centros educativos d'Asturies, qu'impartan asturianu o gallego-asturianu n'Educación Infantil, Primaria, Secundaria y/o Bachilleratu, interesaos en participar na Axenda Didáctica Escolar, han presentar modelu de solicitú debidamente cubiertu según figura nel Anexu I. Cada centru va poder solicitar un máximu de 4 proyectos, marcando un orde de preferencia.

La fecha de cada actuación ha acordase ente la entidá participante y el centru educativu. Ha cuntar col vistu bonu de la Dirección Xeneral de Política Llingüística y ha desarrollase siempres dientro'l cursu escolar en vigor.

Énte la posibilidá de que'l númberu de solicitúes supere a la ufierta, encamiéntase que los centros d'una mesma zona alcuerden solicitar de forma conxunta l'asistencia a una de les actividaes.



## Sexta.—Obligaciones de les entidaes participantes

Les entidaes participantes integraes na Axenda Didáctica Escolar van tar obligaes a:

1. Realizar l'actividá na fecha, llugar y condiciones en que foi programada.
2. Notificar cualesquier variación o cambéu del proyectu.
3. Facturar a la Dirección Xeneral de Política Llingüística les actividaes realizaes, axuntando a cada factura un informe debidamente cubiertu nos apartaos de feches, centros, númeru d'asistentes, incidencies, etc. Esti informe ha seguir el modelu dau como Anexu III y va presentase nun plazu que nun pase de 10 díes siguientes a la celebración de la última actuación programada.

## Séptima.—Obligaciones de los centros

1. Contar con un llocal o espaciu abiertu afayadizu pal desarrollu de l'actividá y con disponibilidad pal día de l'actuación.
2. Poner a disposición de la entidá participante los medios y materiales suficientes pal desarrollu correctu de l'actividá.

## Octava.—Solicitúes y documentación

Pa poder participar na Axenda Didáctica Escolar, los centros educativos y les empreses privaes o asociaciones que cumplan colos requisitos establecíos nesta convocatoria tendrán de presentar les correspondientes solicitúes (anexos I ya II, respectivamente, debidamente cubiertos en toos y caún de los sos apartaos), nel Rexistru Xeneral Central de l'Alministración del Principáu d'Asturies (Edificiu Alministrativu, calle Coronel Aranda, s/n, planta plaza, sector central, Uviéu) o por cualesquier de los medios establecíos nel artículu 38 de la Llei de Réxime Xurídicu de les Alministraciones Públiques y del Procedimientu Alministrativu Común. Si n'usu d'esti derechu la solicitú ye unviada per corréu, tendrá de ser presentada en sobre abiertu por que la solicitú seya fechada y sellada por personal de correos. El plazu de presentación de solicitúes per parte de les entidaes participantes va ser del 1 y al 31 d'ochobre inclusive de cada añu natural.

Amás, les entidaes participantes tendrán d'acompañar a la solicitú de la siguiente documentación:

- a) Copia del documentu acreditativu de la personalidá xurídica de la entidá solicitante.
- b) Nel casu d'empreses: copia del documentu acreditativu d'alta nel epígrafe correspondiente del AE; copia del documentu acreditativu d'alta na Seguridá Social a la fecha de presentación de la solicitú; y, nel so casu, copia del últimu recibu d'autónomos.
- c) Nel casu de les asociaciones o entidaes ensin ánimu d'arriquecimientu, copia del documentu acreditativu de la inscripción nel rexistru correspondiente.
- d) Documentu acreditativu del domiciliu social de la entidá participante.
- e) Certificación acreditativa de la entidá solicitante de que s'alcuentra al corriente de les sos obligaciones tributaries, de nun ser debedora de la Hacienda del Estáu nin del Principáu d'Asturies y del pagu de les cotizaciones a la Seguridá Social.

Sicasí, si'l solicitante autoriza a que l'órganu instructor llogre al traviés de certificaos telemáticos la acreditación del cumplimientu de les obligaciones tributaries y cola Seguridá Social, nun ye mester deber apurrir les correspondientes certificaciones.

## Novena.—Procedimientu de selección y comunicaciones

La selección de los proyectos de les entidaes participantes, en primer llugar, y la propuesta d'axudicación d'actividaes a los centros escolares depués, van llevase a cabu por una Comisión designada pola Consejera d'Educación, Cultura y Deporte. La mentada Comisión va tar presidida pola Directora Xeneral de Política Llingüística, o persona en quien delegue, ya integrada por un mínimu de trés y un máximu de 5 persones rellacionaes col ámbitu de la llingua asturiana. Actuará como secretariu/a una persona adscrita a la Dirección Xeneral de Política Llingüística.

N'acabando'l plazu de presentación de los proyectos poles entidaes participantes, la Comisión va va proceder a la selección de los mesmos atendiendo fundamentalmente a los siguientes criterios:

- Adecuación del proyectu al alumnáu al que se dirixe, según los criterios pedagóxicos establecíos nos decretos curriculares vixentes nel Principáu d'Asturies.
- Adecuación a la difusión y promoción del asturianu o del gallego-asturianu, respetando les variedaes llingüístiques de cada zona.
- Relación calidá-precu.
- Orixinalidá y posibilidá de desarrollu.
- Trayectoria de la entidá que presenta'l proyectu.
- Redacción y presentación formal del proyectu.



El Serviciu de Política Llingüística va comunicar per corréu electrónicu a les entidaes participantes cualos son los proyectos escoyíos d'ente los presentaos por cada entidá. Al tiempu, estos proyectos escoyíos van facese públicos al traviés de la páxina web institucional [www.educastur](http://www.educastur); dende'l del día siguiente a la mentada publicación, los centros van disponer de 10 díes hábiles pa realizar les solicitúes de los proyectos que s'alcuentren dientro del llistáu publicáu.

En presentando les solicitúes de los centros educativos la Comisión va ordenales teniendo en cuenta los criterios de baremación que s'axunten nel Anexu IV. De siguió la Comisión va proponer l'axudicación d'una actividá a cada centru o grupu de centros que s'arreglaren pa solicitar les actividaes xuntos. La mentada propuesta fadráse acordies con criterios qu'axusten les disponibilidaes presupuestaries a los pidimientos recibíos.

Les actividaes propuestes pola Comisión van llevase a la persona titular de la Consejería d'Educación, Cultura y Deporte quien, por resolución, aprobará la programación añal definitiva de l'Axenda Didáctica Escolar.

Les incidencies que se puedan plantegar nos supuestos ensin prever nestes normes van ser resueltos pola persona titular de la Consejería d'Educación, Cultura y Deporte del Principáu d'Asturies.

#### Décima.—*Incumplimentu*

La concurrencia a esta convocatoria supón la plena aceptación de les normes nella recoyíes. El so incumplimentu va poder dar llugar a la esclusión na edición correspondiente de l'Axenda Didáctica Escolar.



Anexu I

## SOLICITÚ DE PARTICIPACIÓN DE CENTROS EDUCATIVOS NA AXENDA DIDÁCTICA ESCOLAR

D/Dña....., en representación del centru educativu ..... na so condición de ..... del mentáu centru, solicita la participación na *Axenda Didáctica Escolar*, aceptando dafechu les normes que rixen esta actividá y asumiendo les obligaciones que de les mesmas se deriven.

CENTRU/OS SOLICITANTE/S:

LLOCALIDÁ DEL CENTRU:

CURSOS PA LOS QUE SE SOLICITA L'ACTIVIDÁ:

NÚMBERU APROXIMÁU D'ASISTENTES:

DIRECTOR/A DEL CENTRU:

PROFESOR/A D'ASTURIANU O GALLEGO-ASTURIANU:

PROFESOR/A DE MÚSICA:

ACTIVIDAES QUE SE SOLICITEN

1. \_\_\_\_\_

2. \_\_\_\_\_

3. \_\_\_\_\_

4. \_\_\_\_\_

COMENTARIOS:

Teléfonu y corréu electrónicu del centru:

Corréu electrónicu del profesor/a de contactu:

En \_\_\_\_\_, a \_\_\_ de \_\_\_\_\_ de \_\_\_\_\_

Robláu: \_\_\_\_\_

**ILMA. SRA. CONSEYERA D'EDUCACIÓN, CULTURA Y DEPORTE**



Anexu II

## SOLICITÚ DE PARTICIPACIÓN DE LES ENTIDAES EMPRESARIALES O ASOCIATIVES NA AXENDA DIDÁCTICA ESCOLAR

D/Dña....., con DNI..... en representación de la entidá.....con C.I.F....., na so condición de..... de la mentada entidá, solicita la participación del grupu artísticu con nome ..... na *Axenda Didáctica Escolar*, aceptando dafechu les normes que rixen l'actividá y asumiendo las obligaciones que de les mesmas se deriven.

### 1. DATOS DE LA ENTIDÁ:

Nome o razón social:
Dirección:
Teléfonu/os:
Dirección de correu electrónicu:

### 2. RESUME DE DATOS TÉCNICOS DE L'ACTIVIDAD ( ha cubrise una ficha por cada actividad ufiertada):

Títulu:
Quién la realiza:
Duración en minutos:
Dirixida al alumnáu de:
Costu de l'actividá, indicando si tien IVA o si está exenta, y los gastos repercutios de derechos d'autor, nel so casu

La entidá solicitante autoriza a que l'Alministración del Principáu d'Asturies consulte la información que se rellaciona darréu, al traviés de la plataforma d'intermediación de datos de les Alministraciones Públiques, o al traviés d'otros sistemas que s'establezan (nel casu de nun marcar dalguna casiella, tendrá d'acompañar a la solicitú la documentación correspondiente):

<input type="checkbox"/> Al Ministeriu competente en materia d'Interior, la consulta de los datos d'identidá (DNI/NIE).
<input type="checkbox"/> A la Tesorería Xeneral de la Seguridá Social, la consulta de tar al corriente nel cumplimientu de les obligaciones frente a la Seguridá Social.
<input type="checkbox"/> A l'Axencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
<input type="checkbox"/> Al Ente Públicu de Servicios Tributarios, la consulta de tar al corriente nel cumplimientu de les obligaciones tributaries cola Hacienda del Principáu d'Asturies.

En \_\_\_\_\_, a \_\_\_ de \_\_\_\_\_ de \_\_\_\_\_

Fdo.: \_\_\_\_\_

**ILMA. SRA. CONSEYERA D'EDUCACIÓN, CULTURA Y DEPORTE**



*Anexu III*

**AXENDA DIDÁCTICA ESCOLAR**  
**Informe d'entidaes**

NOME DE LA ENTIDÁ:	
ACTIVIDÁ:	
GRUPU COLECTIVU O PERSONA QUE REALIZA L'ACTIVIDÁ:	
CENTRU EDUCATIVU:	
CICLU/OS:	
LLUGAR:	
FECHA:	HORA:
N.º D'ASISTENTES:	
INCIDENCIES:	
EVALUACIÓN XENERAL DE L'ACTIVIDÁ: Interacción del alumnáu: Interacción del centru educativu:	
DOCUMENTACIÓN ACREDITATIVA DE REALIZACIÓN DE L'ACTIVIDÁ	
FECHA Y LLUGAR:	
El centru,  Robláu: .....	La entidá,  Robláu: .....
(Robla y sellu del centru)	

*Anexu IV***CRITERIOS DE BAREMACIÓN**

EDUCACIÓN PRIMARIA	ESO Y BACHILLERATU
Númeru de centros que soliciten l'actividá.	Númeru de centros que soliciten l'actividá.
Númeru d'alumnos/es del centru.	Númeru d'alumnos/es del centru.
Númeru d'alumnos/es que cursen Llingua Asturiana/Gallego-Asturianu.	Númeru d'alumnos/es que cursen Llingua Asturiana/Gallego-Asturianu.
Porcentaxe d'alumnáu que cursa Llingua Asturiana/Gallego-Asturianu.	Porcentaxe d'alumnáu que cursa Llingua Asturiana/Gallego-Asturianu.
Allugamientu nel ámbitu rural.	
<p>En casu d'empate na puntuación final del baremu, como criteriu de desempate va tenese en cuenta la mayor puntuación de los distintos centros nos subapartaos del baremu, consideraos éstos pol siguiente orde:</p> <ol style="list-style-type: none"><li>1º. Mayor puntuación nel porcentaxe d'alumnos/es qu'escueyen Llingua Asturiana/Gallego-asturianu.</li><li>2º. Mayor puntuación nel númeru d'alumnos/es qu'escueyen Llingua Asturiana/Gallego-Asturianu.</li><li>3º. Mayor puntuación nel númeru total d'alumnos/es del centru.</li><li>4º. Mayor puntuación nel númeru de centros que soliciten l'actividá.</li></ol>	<p>En casu d'empate na puntuación final del baremu, como criteriu de desempate va tenese en cuenta la mayor puntuación de los distintos centros nos subapartaos del baremu, consideraos éstos pol siguiente orde:</p> <ol style="list-style-type: none"><li>1º. Mayor puntuación nel porcentaxe d'alumnos/es qu'escueyen Llingua Asturiana/Gallego-asturianu.</li><li>2º. Mayor puntuación nel númeru d'alumnos/es qu'escueyen Llingua Asturiana/Gallego-Asturianu.</li><li>3º. Mayor puntuación nel númeru total d'alumnos/es del centru.</li><li>4º. Mayor puntuación nel númeru de centros que soliciten l'actividá.</li></ol>